

9. Колосков Б. Т. Малайзия вчера и сегодня: опыт проблемного исследования истории развивающихся стран / Б. Т. Колосков. – М.: Мысль, 1984. – 303 с.
10. Курзанов В. Н. Промышленное развитие Сингапура / В. Н. Курзанов. – М.: Наука, 1978. – 134 с.
11. Курзанов В. Н. Сингапур в экономике Юго-Восточной Азии / В. Н. Курзанов – М.: Наука, 1985. – 184 с.
12. Лю Юн-ань. Современный Сингапур: справ. изд. / Ю. Лю : АНССР; Ин-т. востоковедения. – М. : Наука, 1976. – 163 с.
13. Пахомова Л. Ф. Модели процветания (Сингапур, Малайзия, Таиланд, Индонезия) / Л. Ф. Пахомова; Рос. акад. наук, Ин-т востоковедения. – М. : [б.и.], 2007. – 256 с.
14. Руднев В. С. Малайзия и Сингапур после Второй мировой войны и политики США и Англии / В. С. Руднев. – М. : Наука, 1981. – 224 с.
15. Тюрин В. А. История Малайзии: краткий очерк / В. А. Тюрин. – М. : Наука, 1980. – 264 с.
16. Холл Д. Е. История Юго-Восточной Азии / Д. Е. Холл ; пер. с англ. Я. М. Светг, автор предис. А. А. Губер. – М. : Изд. иностр. литературы, 1958. – 596 с.
17. Чуфрин Г. И. Сингапур / Г. И. Чуфрин. – М. : Наука, 1970. – 110 с.
18. Щевелев С. С., Недашковская К. А. Межэтнические отношения в Сингапуре на фоне социально-экономического благополучия / С. С. Щевелев, К. А. Недашковская // Этнокультурные и межконфессиональные отношения в Крыму. – 2012. – Вып. 2. – С. 206 – 220.
19. Юго-Восточная Азия : история, современность: [сб.ст. посвящается 80-ти летию со дня рождения А. А. Губера] / АНССР, Ин-т востоковедения; отв. ред. А. Н. Узянов и др. – М. : Наука, 1989. – 285 с.
20. Mills L. A. Malaya: A Political and Economic Appraisal / L. A. Mills. – Indianapolis : [w.p], 1958. – 234 p.
21. Rose S. Britain and Southeast Asia / S. Rose. – London: [w.p], 1962. – 280 p.

Хаяли Р.И.

УДК 94 (477.75) (=1.4/.9)

ЭДИГЕ КЪЫРЫМАЛ ХОРАНТАНЫНЪ ТАКДИРИ

СУДЬБА СЕМЬИ ЭДИГЕ КЫРЫМАЛА

***Аннотация.** Статья посвящена крымскотатарскому историку и общественному деятелю Эдиге Кырымалу. На основе архивно-уголовного дела реконструируется родословная семьи Шинкевичей, их переселение в Крым, участие в общественно-политической жизни края. Пристальное внимание уделяется ранним неизвестным биографическим данным Эдиге Шинкевича и его побегу в 1930-е годы за границу, а также дальнейшей судьбе его родителей, в частности отца, репрессированного в 1937 году.*

***Ключевые слова:** семья, репрессии, эмиграция.*

***Анотация.** Стаття присвячена кримськотатарському історикові і громадському діячеві Едіге Кирималу. На підставі архівно-кримінальної справи реконструйовано родовід сім'ї Шинкевічей, їх переселення до Криму, участі в суспільно-політичному житті краю. Пильна увага приділяється раннім невідомим біографічним даним Едіге Шинкевіча і його втечі в 1930-і роки за кордон, а також подальшій долі його батьків, зокрема батьки, репресованого в 1937 році.*

***Ключові слова:** родина, репресії, еміграція.*

***Summary.** The article is devoted to the Crimean Tatar historian and public figure Edige Krimli. Based on archival criminal case reconstructed Shinkevich family pedigree, their resettlement in Crimea, participation in social and political life of the region. Rhode Mustafa Shinkevich in Poland. Father Edige Kyrymala served in the Russian Army. With the beginning of World War I, Mustafa Shinkevich moved to Yalta, and with the establishment of Soviet power in Simferopol. In this paper attention is paid to the early unknown biographical Edige Shinkevich and his escape in 1930 abroad, and the fate of his parents, particularly his father, repressed in 1937. In 1932 Edige Shinkevich runs through Azerbaijan abroad. The first time was in Iran, and then moved to Turkey in Istanbul. In 1937, with the beginning of new repression in Crimea Shinkevich Mustafa moved to Leningrad and lives with relatives, where later he was arrested by the NKVD. March 13, 1937, Mustafa Shinkevich was sentenced to 5 years. Punishment served in the Arkhangelsk region. His fate is unknown. Mustafa Shinkevich was rehabilitated in the prosecution of the Crimean region in 1989.*

***Keywords:** family, repressions, emigration*

Мевзунунъ ишленме меселеси. Эдиге Кырымал - гьурбеттеки энъ шанлы кырымтатар тарихчыларынынъ сырасына кирген, кырымтатар миллий арекети тарихындан темелли тедкыкьятлар япкъан ве чокьтан-чокь джиддий макьалелер дердж эткен муэллиф. Мезкюр макьаледе Э. Кырымалнынъ шахсий яшайышынынъ даа белли олмагъан саифелеринден бири ачыла.

Ильмий максадымыз. Эдиге Кырымал кьорантасынынъ генеалогик тамырлары XIV асырда Леистан князьлыгы сынъырларында темель кьойгъан Леистан кырымларына барып тиреле. И. Гаспринский кьайд эткенине коре, Русие императорлыгы сынъырларында эписи тюрк халкьлардан энъ бильгили ве юксек тасиллиси Леистан тюрклеридир. Леистан кырымлары, И.Гаспринскийнинъ фикириндже девлет ве арбий хызметте буюк мувафакььетлер кьазандылар.

Этник аньлылыгы оскен ве Русие императорлыгынынъ эзиетленген халкьлары бирлешкен сайын XX асырнынъ башында Леистан кырымларынынъ чокьусы озь тарихий ватаны - Кырым тарафына чевирилелер. Олар Кырымнынъ белли эрбапларынен медений ве сиясий алякьалар багьламагъа тырышалар. Базылары исе кьоранталары ве сой-акьрабасы такьым Кырымгъа келип ерлешелер. Оларнынъ арасында чар ордусунынъ субайы Мустафа Сулейман Шинкевич де бар эди.

Мустафа Шинкевич Минск губерниясы, Луцк уездининъ Ляховичи коюнде 1879 сенеси 2-майыста дюньягъа келе. Тасиль алгъан сонъ яш М. Шинкевич чар ордусында пек мувафакъиетли хызмет эте. 1910 сенесинден 1913 сенесине къадар о Петербургда интендант хызметининъ субайларыны азырлагъан Арбий-ходжалыкъ академиясында тасиль ала.

Биринджи джиан дженки башлангъанынен инкъиляпкъадже М. Шинкевич Леистан-Ромен дивизиясында капитан унванында хызмет эте ве дивизия интенданты (арбий хызметте ходжалыкъ теминатынен огърашкъан адам) вазифесини беджере.

Ватандашлар дженки ве Къырымда генерал Сулькевич укюмет башы олгъан заманында М. Шинкевич Романияда тешкиль этильген ве Къырымгъа ёлланылгъан мусульман корпусынынъ интенданты ола.

М. Шинкевич Ульке укюметинде интендант вазифесини алып бара. Сулькевичнинъ мусульман корпусынынъ команданлыгъы теркибине Леистан къырымларыны кирсете. Оларнынъ арасында Базаревич, генерал-майор, комбриг А. М. Мильковский, полк командири полковник Сейфулин айырылып туралар. Совет укюмети акимет башына чыкъкъан сонъ, М. Шинкевич 1926 сенесине къадар Къызыл Ордуда чешит вазифелерде хызмет эте.

М. Шинкевич Вологда губерниясында 1885 сенеси догъгъан Леистан къырымы Лейла Велишаеванен эвленип, омюр къура. Лейла акъайынынъ якъаланылувына къадар Акъмесджитте почтаджи олып чалыша. Алланынъ эмиринен къорантада учъ огъул - Эдиге, Тимур ве Арслан дюньягъа келелер. Эдиге 1911 сенеси Багъчасарайда, Тимур 1922 сенеси, Арслан исе 1925 сенеси догъалар.

Биринджи джиан дженки заманында Шинкевичлер къорантасы Ялтагъа коче. Мында Эдиге башта къырымтатар мектебине къатнамагъа башлай, сонъра оны рустилли гимназиягъа берелер. Оны битирген сонъ о Къырым педагогика институтына окъувгъа кире.

Ялтада Мустафа Шинкевичнинъ догъмуш къардашы Якуб да тамыр ата. Озь вакътында о Полонияда реаль окъув журтуны, сонъра Петрограддаки технологиялар институтыны битире. Кене шу шеэрдеки университетте шаркъ шубесининъ мезуны ола. Инкъиляптан эвель Якуб Дереккой управасынынъ реиси олып чалыша. 1918 сенеси тасилини девам эттирмек макъсадынен Я.Шинкевич Алманиягъа кете ве анда да университетлернинъ биринде шаркъ шубесинде окъуй.

1920-нджи сенелернинъ сонъунда Шинкевичлер къорантасы Акъмесджитке коче ве Феодосийское шоссе, 2 «а» адрес боюнджа яшай. Мында, Акъмесджитте М.Шинкевичнинъ догъмушлары- къыз къардашы Меръем ве басмаханеде джыйыджи олып чалышкъан торуны Ибраим яшай.

Къырым педагогика институтында окъугъан вакъытта, тарих боюнджа эдебиятны окъуп, къырым сиясетчилерине, медениет эрбапларына догърутылгъан сиясий репрессияларны корип, Эдиге совет акиметининъ озь ватандашларына нисбетен якъкан сиясетинден къанаатленмей. Тамам о заман онынъ мийинде СССР-ден къачмакъ фикери пейда ола.

Эдигеге аякъдаш да тапыла. Бу адам та студентлик заманындан танышы, Джанкой району Къамаджи коюнде 1900 сенеси дюньягъа кельген, Эдигенен корюшкен вакъытта исе 13 санлы белли къырымтатар мектебининъ оджасы Абляй Чонгъарлы Шамилев эди. Абляй Шамиль 1900 сенеси Джанкой райондаки Къамаджи коюнде дюньягъа келе. 1942 сенеси немсе джеллятлары тарафындан ольдюрильди. Олар эквелешип совет сынъырларындан кечмек тафсиллятлы планыны тюзелер.

СССР-ден къачмаздан эвель Эдиге ве Абляй бир къач кере корюмли джемаат эрбабы, сиясетчи ве публицист, миллий арекетнинъ фааль иштиракчилеринден бири Асан Сабри Айвазов иле корюштилер.

Генч аркъдашларынен субетлешкенде А. Сабри Айвазов оларнынъ мерамыны самиметле алгъышлады. Онынъ айткъанына коре, чет эльде олар эм маддий эм де маневий джеэттен гъает гузель яшайджакъ экенлер. О озюнинъ Тюркиедеки таныш-билишлери, миллий арекеттеки сафдашларынынъ адреслерини берип, оларгъа, шу джумледен айры селямыны Кязим-пашагъа, Анкара университетининъ тарих илимлери боюнджа профессору Акчуринге, Истанбулда яшагъан Джафер Сейдаметке ёллады. Совет яшайышына къыймет кесерек, Сталин акъкъында лятифе де айтып, яшларны кульдюрди.

М. Шинкевичнинъ татасы Сафие Ягъя Байрашевский иле эвли эди. Бир кунь оларнынъ эвлерине баргъанда, о огълу Эдигенинъ чет мемлекетлерге къачмагъа истегенини билди. Я. Байрашевский ве онынъ къадыны Эдигенинъ бу арзусына къолтуттылар ве озьлери де, имкян тапсалар, Одессадан чыкъып, Тюркиеге кетеджеклерини айттылар. Амма олар истеклерини ерине кетирип оламадылар. Бу субет 1932 сенеси я апрельнинъ сонъунда, я майыснынъ башында олып кечти.

М. Шинкевич огълуна пек ачувланды ве онынъ планларыны бозмагъа тырышты. Эвде о огълуна сёгюнчен атылып, весикъаларыны, пальтосыны тутып алды, бир якъкъа йибермейджегини айтты. Амма Эдиге бабасыны Бакугъа кетип окъувны девам этмеге кетмеге истегенинде къандырды ве разылыгъыны алды.

Не олса да, М. Шинкевич бу себеп иле соргъугъа чагъырылгъанда, тахкъикъатчыгъа бу вакъианы бойле тариф этти. Акъыкътатта исе, бабагъа агъыр олса да, огълунынъ истегини догъру танып, о озю онъа ярдым эткендир.

Анасына Эдиге сонъуна къадар бир шей айтмагъан эди. Башта о Москвада шаркъий тиллерни огренмеге имкянлар зиядедже олгъаны себебинден, анда окъумагъа кетеджегини айта эди. Эдиге Къырымда къырымтатар яшларына кейфиетли бильги алмагъа имкян яратылмагъаны ве хусусан онъа аспирантурада бильгисини арттырмагъа бермегенлерине эмин эди.

Миллий гъаелерде тербие алгъан Эдигеде шаркъ Тюркистандаки инкъилябий арекетте иштирак этмек арзусы бар эди. Бу фикирни о бир къач вакъыт тюшюнип юрди. Эдигенинъ кетеджек куню анасы джебинде Синельниково станциясынадже билет тапып, буюк къасеветте къалды. Чонки бу шимдики Днепропетровск

виляетинде ерлешкен станциядан Кавказ ве Орта Асиягъа таба айланып кетмеге мумкюн эди. Онынъ ичюн анасы Эдигеден билетни Москвагъа дегил, бу станциягъа дегил алмасынынъ себебини бильмек истеди. Эдиге исе Москвагъа бармакъ ниетинден къайтып, Бакугъа кетеджегини анълатты.

Башта Эдиге ве Абляй Батумдан сынъыр кечмеге ниетлендилер. А. Сабри Айвазов оларгъа токътамакъ ичюн шу шеэрдеки бир къавеханенинъ адресини берген эди. О заманы пек чокъ къырымлар бу ёлдан айдаланып, Тюркиеге къачкъан эдилер. Амма, не ичюндир, бу мерамдан вазгечип, сынъырны Азербайджаннен Иран арасында кечмеге истедилер.

СССР-ден къачкъаны Эдигенинъ чокъ танышларыны, мисаль ичюн, 1937 сенеси джинай месулиетке чекильген Къырым педагогика институтундан берли танышы Аббас Мир Мухсин огълу Саидовны айретте къалдырды. Аббасны «Тадж» деген контрреволюцион миллетчи азербайджан тешкилятынынъ азасы оларакъ якъаладылар. Студентлик йыллары Эдиге ве Аббас башкъаларындан четке чекилип, саатлернен къырымтатарларнынъ руслар эзиеине даяналмайып, Тюркиеге ве Романиягъа къачкъанлары акъкъында язылгъан китапны окъуй эдилер.

Бу китап СССР-де 1925 сенеси басылды, онынъ муэллифи 1928 сенеси атып ольдюрмек махкюмине огъратылгъан Амет Озенбашлы эди. 1932 сенесининъ апрелинде Аббас Саидов Кезлев шеэринде едийыллыкъ мектепке амелияткъа йиберильген эди. Кезлевден о 1932 сенеси 11 июнде къайтты ве Эдигенен Абляй Тюркиеге бойлап юргенлерини Я.Байрашевскийден бильди.

Бакуда олгъан вакъытта Эдиге эвге мектюп-ресим ёллай. Сынъырдан кечкен сонъ ильк сербестлик нефесини алалар. Баягъы вакъыт аркъадашлар Ираннынъ кой ве шеэрлеринде чешит планлар къурып, кезип юрдилер. Бир къач вакъыт достлар Каркалиса деген ерде яшадылар, сонъра Истанбулгъа авуштылар.

Тюркиеден Эдиге Али Воронович (Эдигенинъ Полонияда яшагъан баба тарафындаки акърабасы, 1934 сенеси Каир шеэринде кочти) имзасынен мектюп ёллады. Онда «Геля Эдигени догъурды», - деп язылгъан эди. Бу сёзлер ана-бабасына Эдигенинъ къайда олгъаныны бильдирмек усулы эди. Бу гизли сёзлер Онынъ Тюркиеге олгъаныны косътермек борджлу эди. Эгер Эдиге Алманиягъа баргъан олса о Галя, деп, Полониягъа барса - Поля, деп язаджакъ эди.

Абляй Чонгъарлы Шамилев Тюркиеге барып тюшкен сонъ мемлекеттен сюрдюн этильди ве 1933 сенеси ГПУ органы тарафындан джинай месулиетке чекильди. Къачкъаны ичюн оны 2 йыл Эмекнен тербиелеген лагерьге йибердилер. Эдиге де Тюркиеден кетмеге меджбур олды. О Леистангъа, Полония ве Леистан мусульманларынынъ муфтиси олгъан эмджеси Якъуб Шинкевичке мураджаат этти. Вильно шеэринде о университетке кирди ве 1939 сенеси оны битирди. Эдиге бу йылларда «прометей аркетинде» фааль иштирак эте.

Экинджи джан дженки башлангъанынен о Истанбулгъа авуша, Алмания СССР-ге уджюм эткенде исе Эдиге онъа ошагъан бир къачакъ, тасиль наркомы Усеин Баличининъ къардашы Абляким Баличнен берабер Къырымгъа къайта ве Акъмесджиттеки мусульман комитетинен къавий алякъа къура.

Бугунде, Эдигенинъ бабасы Мустафа Шинкевичнинъ такъдири ве фаджиасыны кимсе бильмей. Албуки, о энъ эвеля миллетчи эди. 1933 сенеси М. Шинкевич Эдигени къыдырып, Баку, Туркменистан ёнелишенин та Озбекистангъа барып чыкъкъан эди. О, Андижан, Фергъана, Ташкент ве Самаркъандны зиярет этти. Къырымлардан Озбекистанда онъа ялынъыз белли диний эрбап, 1920 сененинъ сонъунда къорантасы такъым сюрдюн этильген ве М.Шинкевичнинъ та Ялта ве Дерекойден танышы, Къырымнынъ сабыкъ муфтиси Ибраим Тарпинен корюшмеге къысмет ола.

Ибраим агъа китаплар сатып кечине. 1937 я да 1938 сенеси Озбекистанда оны якъалай ве джезанынъ алий дереджесине махкюм этелер. Мустафа Шинкевич исе къайда барса, огълунынъ такъдиринен меракълана, къыдыра. Амма анда о Эдиге акъкъында хабер-тебер алып оламай.

Бир къач йылдан сонъ бабасы огълуны къыдырып Москвагъа барып чыкъа. Мында да о озъ эски танышларыны расткетире. М.Шинкевич эписи йыллары Полония ве Леистан къырымларынен алякъа тутмагъа тырыша, олар тюзген озъгюн медениетни сакъламагъа ынтыла.

О Москвада яшагъан ве чокъ йыллар Полониягъа кочмеге аркет эткен язджы Джемиль Александровичнен де сыкъ мунасебетлерде ола.

Александровичнинъ пролетар мефкюресине уймагъан, эсасен маневий ве миллий мевзуларда язылгъан эсерлери СССР-де дердж олунмай. М.Шинкевич онъа Къырымгъа кочмеге теклиф эте, Полония ве Леистан къырымларынынъ медений оджагъыны тешкиль этмек истегини бильдире. Мустафа Шинкевич Леистанда яшагъан агъасы Якъубнен де мектюплеше, онынъ ярдымынен огълу Эдигенен къонуша. Ойле бир мектюбинде о ярым йыл- бир йылгъа бармай, бир къарар тюзелип, къырымтатар миллий аркетине киришмеге азыр оладжагъыны яза.

Къырымда сиясий репрессиялар хавфлы колемни алалар. Мустафа агъа прораб чалышкъан Госсантехмонтаждан бошاپ, Къырымны терк этмеге меджбур ола. О Ленинградгъа коче, «Гидравлик» заводуна муэндис олып кире ве сойлары - Шамен-Зиген Чанышева ве Шамен-Камер Ниязоваларда яшай.

Амма Ленинградда оны джезалав оргъанлары незарет астына алалар. 1936 сенесининъ 3-августта халкъ комиссарынынъ муавини Аграновгъа Ленинград виляетининъ ИИХК ДХБИ (ГУГБ НКВД) хусусий болуги тарафындан Акъмесджиттен кельген Мустафа Шинкевичнинъ якъаланувына делиллер азырлангъаны акъкъында рапорт бериле.

«Агентлернинъ косътеришлерине коре, - дениле рапортта, - М. Шинкевич чар ордусынынъ сабыкъ капитаны ола. Инкъиляптан эвель Петроградда яшады. Полонияда онынъ агъасы Якъуб Шинкевич - Полония мусульманларынынъ дин идареси ребери, Польшабаштаб ве татар безъ эмиграциясынынъ башы Гияз Исхаковнен сыкъы багъда булуна. Якъалавгъа изининъизни сораймыз». - деп къайд эте НКВД девлет

хавфсызлыгы баш идаресининъ хусусий болуги башынынъ муавини, девлет хавфсызлыгы уйкен майоры Горб.

1936 сенеси 7-сентябрьде [1] Ленинградда НКВД Идареси укюминен М.Шинкевични якъалайлар. Тахкъикъатны ИИХК ДХБИ (ГУГБ НКВД) 3-нджи болукнинъ 4-нджи болугининъ хадими Ачикян алып барды. М. Шинкевични Москвада НКВД СССР-нинъ ички апсханесинде туттылар. Тахкъикъат девамьнда 8 соргъу япылды: 1936 сенеси 8, 9, 17, 27, 28-сентябрьде, 1937 сенеси 10-февральде ве 15, 22-мартта. 1937 сенеси 13-мартта НКВД СССР янындаки Хусусий Мушавере М.Шинкевични РСФСДж ДжК (УК РСФСР) 58-10 маддеси боюнджа къабаатлай ве Шималий виляетлерге (Архангельск) 5 йыл муддетинен сюрюнликке махкъом эте [2].

Шинкевичке онынъ огълу чет мемлекетлерге къачып, анда советлерге къаршы арекетлер косътергени, о исе СССР-де Полония ве Леистан татарларыны топлап миллетчи тешкилят къурмагъа ынтылгъаны, Полония татарларынынъ муфтиси олгъан агъасынен алякъа туткъаны ве Орта Асиядаки мусульман конрреволюциясынен багълы олгъаны къабаатлавларнынъ эсасы ола [3].

Эдиге Шинкевич озь анасыны ве агъаларыны дженк заманларында Къырымдан алып кетип олдымы, я да ёкъ - о да белли дегиль. Ялынъыз Полонияда Шинкевичлернинъ сойлары, шу джумледен М. Шинкевичнинъ догъмуш къыз къардашы Эмине Смольская Слоним шеэринде яшагъанындан хаберимиз бар.

Мустафа Шинкевич 1989 сенеси 26-июльде Къырым виляети Прокуратурасынынъ укюминен реабилитирленди [4].

Менбалар:

1. ГААРК Ф. Р. 4808. Оп. 1. Д. 0150263. Л. 5.
2. ГААРК Ф. Р. 4808. Оп. 1. Д. 0150263. Л. 121.
3. ГААРК Ф. Р. 4808. Оп. 1. Д. 0150263. ЛЛ. 113-114.
4. ГААРК Ф. Р. 4808. Оп. 1. Д. 0150263. Л. 126.